

CSR pillugu nalunaarusiaq 2018

ROYAL ARCTIC LINE



Nalunaarusiap matuma nutserneqarnera pisortatigoortumik ingerlanneqanngilaq. Sutigut tamatigut isumaqatigiinngissuteqartoqarnerani danskit oqaasiinik saqqummersitaq atuutissaq.



Royal Arctic Line A/S pillugu

Namminersorlutik Oqartussanit Royal Arctic Line A/S Kalaallit Nunaannut, Kalaallit Nunaannit kiisalu Kalaallit Nunaanni illoqarfii nunaqarfiillu akornanni imaatigut assartuinnermut atatillugu kisimiilluni assartuisinnaatitaanermut akuersissummik tunineqarnikuuvoq. Umiarsuaatileqatigiiffik taamaasilluni inuiaqatigiinni kalaaliusuni pingaarutilerujussuuvoq. Royal Arctic Line Kalaallit Nunaanni umiarsualivinnik 13-inik ingerlataqarpoq, Aalborgimilu immikkoortortaqqarfeqarluni.

Imaatigut assartukkat akuersissutigineqarsimasut tamarmik Kalaallit Nunaannut Kalaallit Nunaannillu assartorneqartussat Aalborgikkoortarput assartukkallu Islandimeersut, USA-meersut Canadameersullu Reykjavikkikkoortarlutik.

Siornatigut Royal Arctic Line A/S Den Kongelige Grønlandske Handelip (KGH-p), 1774-imi Kalaallit Nunaannut assartuisalersup, ataaniissimavoq. 1993-imi ingerlatsiviup massakut atini atulerpaa. Ingerlatsivik 100 procentimik Namminersorlutik Oqartussanit pigineqarpoq..

Kalaallit Nunaannut Kalaallit Nunaanniillu assartuinissaq qulakkeerparput

Ukiuni kingullerni CSR-imik suliaqarneq FN-ip nunarsuarmi piujuaannartitsinissamik anguniagaanik 17-inik imalimmut saakkiartorpoq. Una nalunaarusiaq FN-imi Global Compactimi periutsit 10-t aalajangiunneqartut tunngavigalugit suliani kingullertut sananeqarpoq. Siunissami nalunaarusiortarnissatsinni piumasqaataasut saniatigut anguniagassat 17-it tunngavigineqassapput. Tamakku pissutigalugit Global Compactimut attuumassutaaruppugut, tassami piujuaannartitsinissamut anguniagassat 17-it ima imartutigaat suliffeqarfiit tamarmiullutik taakku iluanni suleriaasisaminnik nassaarsinnaasutut isumaqarmata, Global Compactimut ilaasortaangikkaluarlutik.

Royal Arctic Line apeqqusiisarluni assartuineramik ingerlataqarluni inuiaqatigiinnik napatitseqataavoq, inuiaqatigiinnut akisussaaffimmik annertuumik tunngaveqarluni ingerlatsisoq. Kisermaassinissamut akuersissutip taamatut ingerlatsinissatsinnut piginnaatiinnarata aamma pisusaattippaatigut.

Royal Arctic Line pilersuiinnarnerninngaanniit Kalaallit Nunaata pitsaanerpaamik niueqateqarsinnaanissaa ineriartornissaalu anguniarlugu allanngoriartorpoq. Kalaallit Nunaat ajornannginnerusumik niueqatigisinnaalersinniarparput. Kalaallit Nunaanni tunisassiat anginerpaamik naleqarsinnaanissaat qulakkeerniarparput pitsaanerpaamillu pilersuiniarluta. Siunissami Kalaallit Nunaanniit Kalaallit Nunaannullu assartuinerup ammanerusumik eqaannerusumillu ingerlanneqarnissaa qulakkiissavarput.

Atuartussaq atuarluaqqarput.



Royal Arctic Line
Verner Hammeken
Pisortaaneq

Royal Arctic Line ilinniarneq tapersersorpaa

"Ernera, Ulloriaq Kunuk Aspergers Syndromeqarpoq naallu ukioqatimininngaanniit unamilligassaqaernerugaluarluni sinnattoqarpoq. Sinnattuisa ilagaat Kalaallit Nunaata namminersulernissaanut suleqataanissani, taamaaliorusupporlu netværksspecialistitut, tassami namminilivissagutta netværkitigut qajanaatsumik inissisimasariaqarpugut.

Ernera atuarfimmi assut unamilligassaqaartarnikuvoq paatsoorneqartarlunilu. Nuannaarutigeqisatsinnilli ukiuni kingullerni Nuummi ukiorpaalunni ulloq naallugu atuarfimiilersimavoq, tassanilu paasilluarneqarluni ineriartorsimavoq. Misilitseqqaaramilu qaffasinnerpaamik angusaqarpoq. Tassanilu takutippaa atuarfimiikkuni imminerminut tulluurtumik sunaluunniit angusinnaallugu.

Royal Arctic Linep Ulloriaq Efterskolen Hellemiinnissaanut tapiissuteqarnera qujamasuutigisorujussuvarput, kisimiit tuullunimi efterskolertitsineq akikitsuinaanngimmat. Tapiinersi Ulloriaq Kunuup siunissaanut taperseruineruvoq, tamanalu inuiaqatigiinnut uterumaarpoq"

- Tukummeq Arnaq,
Ulloriaq Kunuup arnaa

Royal Arctic Linemi CSR

Avatangiisit silaannaallu pissusaa

Royal Arctic Line avatangiisit pitsaanngitsumik sunnerneqartarnerat millisinniarlugu ilaatigut nukimmik ikummatissamillu atuinitta annikillinneratigut anguniagalimmik aaqqisuussaasumillu sulissuteqarpoq. Teknologii avatangiisinik eriaqinninnerusumik atuisinnaasoq pillugu periarfissarsiorpugut, pilersuineq ingerlatsinermilu sillimaniarneq annikillisinngikkaluarlugit. Tamanna isumaqarpoq, teknologii misilerarneqarsimasut tunngavigalugit ajornanngitsillugu ingerlatsinitta suleriaasittalu iluini pitsanngorsaaniartuutugut.

Suliasaqarfitsinni unammilligassanut aaqqiissutissat avatangiisinut tunngassuteqartut sapinngisarpud tamaat aaqqiissuteqarfiginartarpagut, soorlu assersuutigalugu imeq napparissaanermi atorineqartartoq, umiarsuup itsinerata qalipannissaanut atorineqartartoq, eqqagassanut tunngatillugu suleqatigisagullu peqatigialugit aamma silaannarmik, nunamik imarmillu mingutsitsineq eqqarsaatigalugit.

Sulinermi avatangiisit sillimaniarnerlu

Suliffeqarfiutitta pitsaasumik ingerlanissaanut sulisutta sillimaniarnissaat, peqqissuunissaat ilorrisimaarnissaallu pingaartipparpud. Sulisoqarnermi pissutsit isumannaatsuunissaat pitsanngorsarnissaallu ingerlaavartumik sulissutigisarpagut. Sulisugut tamatigoruinnaq eqqortumik sungiusarsimasarpud, ilisimasaqarpud kiisalu toqqisisimasumik qularnaatsumillu sulinissaminut atortulersorneqarsimasarlutik, suliffeqarfitsinnilu nalinginnaasumik sillimaniarneq, peqqissuseq ilorrisimaanerlu eqqarsaatigalugit ineriartortitsiniartuaannarluta.

Piginnaasanik ineriartortitsineq aamma ilinniartitaaneq

Sulisutta qanorluunniit atorfeqaraluartut piginnaasaannik ineriartortitsinissaq qitiutipparpud soorluttaaq tamanna aamma ilinniartitaanermi ilinniartuutitsinnilu atuuttoq. Kalaallit Nunaanni ilinniartitaanerup nukittorsarneqarnissaat immikkut ittumik kissaatigaarpud, taamaasilluta inuiaqatigiinni pitsaasumik ineriartornissamat peqataajumalluta.

Sulisunut tunngasut

Nunat tamalaat akornanni inuit aamma sulisut pisinnaati-taaffii ataqqivagut, sulisuttalu atorfeqarnerminni naligiimmik atugassaqtartinnissaat pitsaasuunissaat toqqissisimanartuunissaallu sulissutigiuarparput.

Piffinni akuuneq

Inuiaqatigiinni sullitaqarfitsinni pitsaasumik ineriartornissap qulakkeernissaa immikkut ittumik akisussaaffigaarpud. Taamaattumik peqatigisat uagutsinnut attuumassuteqartut suliniutillu piginnaasatta, tunniuttakkatta, piffissatta aamma/imaluunniit aningaasannaniarsinnaanerup periarfissaatinnerisigut tapersersuiniartarpugut. Immikkut ittumik sammisagut tassaappud meeqqat inuusuttullu, kulturi timersornerlu, inuuniarnikkut inissisimanerluttut ilinniaqqaarnerlu.

Peqquserlunnermik akiuineq

Royal Arctic Line aningaasanik akiliuteqarluni piumasamik pinnanniarneq, oqinaariniarneq (facilitation payment) imaluunniit allat niuernikkut toriitsumik iliuuseriniarneqartartut akuerinngilai. Tamaattumik namminerisamik malittarisassarisatta, nakkutiginninnitta kukkunerisuisarnittalu pitsanngorsarneqarnissaa nukittorsertuarparput, Royal Arctic Linep suliarisartagai inatsisit atuuttut, iliuutsit torersut niuernermilu ingerlatsinermi inatsisit tunngaviusut malillugit ingerlatsisoqarnissaa qulakkeerneqarniassamat.

Pilersuisugut suleqatillu

Pilersuisorisatta suleqatigisattalu avatangiisinut, inuuniarnikkut pissutsinullu torersunut aaqqissuussaasumik ilusilersukkamillu sunneeqataanissaat kissaatigaarpud. Taamaattumik pilersuisugut oqaloqatigerusuttarpagut piumasaqarfigisarlugillu piujuaannartitsinissamik sulissuteqartarnissaat suliffeqarfitta avataatigut tamanna aamma ingerlanneqarniassamat.

2016-2018-imi tunngaviumik angusat

	2016	2017	2018
Sulisut	706	744	760
Ilinniartut	38	38	63
Umiarsuit	11	13	11
Umiarsualiviit	14	14	14
Ingerlaarfiit sømilinngorlugit	374.065	418.343	419.630
Nuussat kubikmeterinngorlugit	845.000	892.237	875.531

Suliffeqarfiup umiarsuaatai umiarsualiviilu International Ship and Port Facility Security Code (ISPS)-imut naapertuutuuput.

Umiarsuit containerinik useqartartut orsussamik atuinerat sananeqaatinillu aniatitsinerat

	2016	2017	2018
MGO	4.797	5.393	5.171
HFO LS	4.383	5.103	4.919
HFO HS	17.894	18.414	18.597
Sømilimut ikummatissaq kilonngorlugit	72,4	69,1	68,3

Pilersuisut inissisimanerloratarsinnaasut

	2016	2017	2018
Kinaassusersineqartut amerlassusaat	135	N/A	N/A
Pisiniarnermi piumasaqaatinik atsiorsimasut procentinngorlugit	88,8 %	N/A	N/A

2015-imut anguniagaq tassaasimavoq, pilersuisorisatta pasinaateqarsinnaasut 88 %-ii kinaassusersineqarsimasut pisiniarnermi piumasaqaatit CSR-ip anguniagaanun tunngatilugu ukiup naannginnerani atsiorneqarsimassasut. Anguniagaq taanna 2016-imi anguarput. Tunngaviumik pilersuisuut allanngorsimannngimmata pilersuisullu pilersuiffiat Danmarkimiimmat 2018-imi uuttortaaneq isiginiarsimannngilarput.

Umiarsuarmi sulinermi avatangiisit

	2016	2017	2018
Umiarsuarmi near-miss-it	76	72	73
LTA LostTime Accidents	3	3	7

Near-misses tassaapput pisut ajunaarutaanngitsut, napparsimassutaanngitsut imaluunniit ajoqusernerit siumut isigineqarsinnaasimannngitsut – kisianni pisimasinnaagaluartut. Near-miss-inik nalunaarutiginnittarnerit siunertarivaat umiarsuarmi ataasiakkaani "ajortumiissutaasinnaasut" ingerlaavartumik malinnaavigineqarnissaat aamma ajoquseritoqannginnerini aaqqiisoqarsinnaanissaa. Allakkatigut nalunaarutiginnittoqartarneratigut periarfissaalerpoq ilisimasani avitseqatigiissinaaneq taamaaliortoqarneratigullu umiarsuaatileqatigiiffiup umiarsuaataani allani aamma aaqqiisoqarsinnaassalluni. Nalunaarutit taamak amerlatiginerannut peqqutaavoq umiarsuarmi nakkutillisoqarnera tamannalu umiarsuarmi sillimaniarnerunissap anguniarneranut pitsaqaqtaaginnarpoq.

2018-imi LTA-t (Lost Tie Accidents) katillugit arfineq-marluk umiarsuaatileqatigiiffiup umiarsuaataani sisamaasuni nalunaarutigineqarsimapput. Malik Arcticami pingasut, Naja Arcticami marluk Nuka Arcticami ataaseq Irena Arcticamilu ataaseq.

Kingullermik LTA-qarneranit decembarip 31-ia 2018-imit ullut amerlassusaat

Pajuttaat	Ullut 373
Naja Arcticica	Ullut 139
Mary Arcticica	Ullut 641
Nuka Arcticica	Ullut 150
Irena Arcticica	Ullut 354
Ivalo Arcticica	Ullut 1.007
Minik Arcticica	Ullut 851
Malik Arcticica	Ullut 99
Sarfaq Ittuk	Ullut 1.130

Royal Arctic Linemi avatangiisit tapersersorneqarput

Royal Arctic Line umiarsualivinnut tamanut plakatiniq pisisimavoq. Plakatinilu tunisami tamani Global Dignity Kalaallit Nunaanut aningaasaliisarpoq, taakkualu ilaatigut avatangiisinut suliniuteqartarput – Royal Arctic Linep CSR-eqarnikkut sulissutigersutaannut. Royal Arctic Linep imaq tunngavittut sullivigaa. Tamannalu suliffeqarfitsini paaqqutareqqissaaartariaqarparput.

Suliffeqarfiup silaannaap pissusaanut avatangiisinullu sunniutigisinnaasaanut appasissumiititsinissarput sulissutiguarparput inuiaqatigiillu iluani tamakkununga suliniuteqarniartunut tapersersuisarluta.

"Nunarsuarmi tamani plastikkinik atuinerujussuaq maangaannaq eqqaaneq avatangiisinullu sunniutit sueneri isiginiarneqaleqqapput. Avammut tunisassiatta 90 %-ii aalisagaapput, tamaattumillu inuunitsinut imaq pingaaruteqartorujussuuvuq, uagullu pinngortitamik atuisutut imaq peqqinnartuutillugulu saligaatsuutittariaqarparput"

leqqapput. Avammut tunisassiatta 90 %-ii aalisagaapput, tamaattumillu inuunitsinut imaq pingaaruteqartorujussuuvuq, uagullu pinngortitamik atuisutut imaq peqqinnartuutillugulu saligaatsuutittariaqarparput"

- Camilla Nymand Petersen,
Plakatimik Imartatsinni uumassusermik qalipaasoq

Aqutsineq

Royal Arctic Linemi CSR-itut politikkerineqartumi suliffeqarfiup ingerlatsivigisaani anguniagassanut attuumassuteqarput, Royal Arctic Linemilu allanngueqataaffigisinnaasat soqutigisalinnot inuiaqatigiinnullu pingaaruteqarput. Ilaatigut silaanaap pissusaanut avatangiisinullu sunniutit annikillinerisigut, sulisut isumannaatsuutinnerisigut naammagisimaarinninnerisigullu, inuit pisinnaatitaaffinik siuarsaanikkut, suliffeqarfimik ingerlatsilluarnikkut kiisalu kalaallit inuiaqatigiit iluanni aallussinikkut malugineqarsinnaapput. Suliniutigineqartullu inuiaqatigiinnut suliffeqarfimmullu naleqalersitsipput.

Inuit pisinnaatitaaffii

Royal Arctic Linep inuit sulinermilu pisinnaatitaaffiit nunani tamalaani atorneqartut ataqquvai, taakkununggalu tunngatilugu sulisut naligiimmik atugassaqartinnissaat periarfissaqartinnissaallu sulissutigiarlugu. Qinnuteqartut assigiimmik piukkunnaatillit atorfinitsinneqarnissaminnot assigiimmik periarfissaqassapput, taamaattumillu umiarsuaatileqatigiiffiup tungaanit soqutiginnittut tamarmik qanorluunniit tunuliaquteqaralarunik atorfinnut inuttassarsiuussanut qinnuteqarnissaannut kajumissaarneqartarput. Royal Arctic Linep inuit pisinnaatitaaffinik suliaqarnera sulisunut politikkimil malittarisassanik ikorfartorneqarpoq, soorlu aamma umiarsuaatileqatigiiffik naligiissitaanermut kiisalu ammip qalipaata tunngavigalugu immikkoortitsinermik akiuniarnermut, qingasaarisarnermut, uumisaarinermut aamma persuttaasarnermut tunngatillugu aalajangersagaqartoq.

Sullivimmi avatangiisit sillimaniarnerlu

Suliffeqarfiup pitsaasumik ingerlanissaanut sulisut isumannaatsuunissaat, peqqinnissaat ilorrisimaarnissaallu pingaar-tinneqarput. Taamaattumik sulisoqarnermi pissutsit isumannaatsuunissaat pitsanngorsarnissaallu ingerlaavartumik sulisuteqarfisarpagut. Suliffeqarfiup politikkerivaa sulisut toqqisillutik toqqisisimanartumillu sulisinnaanissaanni eqqortumik sungiusarsimanissaat, ilisimasaqarnissaat atortoqarnissaallu.

Immami

Sillimaniarnermut suliaqarneq nunani tamalaani imarsioner-mi kattuffiup IMO-p SOLAS-imut isumaqatigiissutaannik (International Convention for the Safety of Life at Sea) tungaveqarpoq. Isumaqatigiissut nalunaarutinit arlalissuarnit aallaaveqarpoq soorlu ISM-koder isumannaatsumik umiarsuarnik ingerlatsiner-mut attuumassutillik aammalu issittumi angalaarnissamut POLAR-kodeqarluni, qaavatigut piumasaqaateqarfiusumik. Umiarsuaatileqatigiiffittaag umiarsuaatai nunani tamalaani ingerlasartut Maritime Labour Convention (MLC)-mi piumasaqaataasut malippaat, taassuunalu atorfillit sulinermi avatangiisinut inuttullu sillimaserneqar-nikkut toqqisisimanartumik innissisimanissaat piumasaqaatigineqarpoq. Atortussat inatsilersukkat akuersissuteqartari-aqarput nakkutigineqartariaqarlutillu. Taamaattumillu suliffeqarfimmiit ukiut tamaasa umiarsuit tamarmik nakkutilliffigineqartarput avataaniillu qaammatit 30-kkaartumik misissui-artortoqartarluni. Umiarsuarnittaaq ingerlaavartumik sulinerni navianaataasinnaasunik nalilersuisoqartarpoq. Taamaali-ortoqartarporlu umiarsuarni ajutoornerit ikinnerpaaffissaa-niitsikkusullugit. Ajutooratarsinnaanerit ikinnerpaamiisikku-sullugit umiarsuaatileqatigiiffiup umiarsuaanni ISM-imik akuersissutillit qaammammut minnerpaamik ataasiarlutik near-miss-inik nalunaaruteqaqqusisoqartarpoq. 2018-imi umiarsuaatileqatigiiffiup umiarsuaataani Near-missit 73-it nalunaarutigineqarsimapput. 2018-imilu ajutoornerit katillugit arfineq-marluk LTA-tut (Lost Time Accidents) taaneqarsinnaasut pisimapput.

Nunami

2018-imi sulinermi ajoqusernerit nalunaarutigineqarsimasut 2017-imut sanilliullugit pingasunik ikinnerupput. Ilorraap tungaanut ingerlarpasippugut sulinermilu ajoqusinnginnis-saq anguniarlugu iliuuserineqartut ajunngitsumik ingerlasu-tut nalilerneqarlutik.

Sulisunut tunngasut piginnaasanik ineriartortitsineq ilinniartitaanerlu

Royal Arctic Linep sulisut pikkorissut sulilluartullu sulisorigami-git pitsaasumik inissisimavoq, sulilu aamma sulisut piukkun-naateqarluartut pissarsiarisinnaanerit umiarsuaatileqatigiiffim-mut pingaarutilerujussuuvog. Umiarsuaatileqatigiiffiup anguni-agaraa sulisutta imaqarlumik sulinissaat pitsaassusimik, sulilluarnermik kajumissuseqarnermillu ukkataqartunik.

Sulianik nuannarisagarneq napparsimasarnerlu

Agguaqatigiisillugu 2018-imi sulianik naammagisimaarinnin-nerneq skalami 100-mut killittumi 71 pointimiissimavoq, kisitsisillu 2017-imi 66-imi inissisimapput. 2018-imi nappar-simanagerit katillugit 4,9 %-imiipput, tamannalu isumaqarpoq sulisoq ataaseq ukiumut 8,4-riarluni napparsimasartoq. Kisitsisit Danmarkimi suliffeqarfinnut sanilliutissagaanni annertunerulaarpoq, 2017-mimi sulisut ukiumut 6,6-eriarlutik napparsimasarsimammata.

Piginnaasanik ineriartortitsineq

Piginnaasani ineriartortitsineq sulisut ataasiakkaat periarfis-saasa pissusissamisuuqinnartut ilagaat. Kalaallit 100 %-imik pigineqartutut Royal Arctic Line Kalaallit Nunaanni suli-soqarnikkut pitsaasumik tunniussissalluni akisussaaffigaa, kalaallillu aqutsisut amerlassusaannut annertusaaniarluni sulisoqartuarluni – tamanna ilaatigut sulisut ilinniaqqinnissaan-nut periarfissaqarnikkut kiisalu Kalaallit Nunaanni imarsiornik-ut ilinniakkat ineriartortinnerannut sulissuteqarnikkut pisar-poq.

Ilinniartut

Royal Arctic Line Kalaallit Nunaanni ilinniartitaanerup nukit-torsarneqarneranut iliuuseqarnermik sivisuumik ileqqutoqa-qarpoq. Umiarsuaatileqatigiiffiup ilinniartitaanerumut pilersaa-rutaa annertoq umiarsuaatileqatigiiffiup sulisoqarnermut periusissiaanut aamma najugaqavissut suliffeqalernissaan-nut ilinniartitsinerumut pingaarutilerujussuuvog.

Royal Arctic Linemi ilinniagassat makkuupput

- Assartugalerisoq
- Terminal disponentuddannelsen
- Quersualerisoq assartuisorlu
- Saffioq
- Maskinarsuarnik iluarsaasartoq
- Shipping trainee
- IT-lerisoq
- Datateknikeri
- TNI-mi qaffasissumik ilinniarneg
 - Nunat tamalaat akornanni angallassineq aamma ataqatigiisitsineq
 - Nunani tamalaani niuernerneq aamma niuernermi tuniniaaneq
 - Aningaasaqarneq aamma pigisanik nalilinnik aqutsineq
- Sumiissusersiortoq /Aquttoq
- Maskinmesteri
- Umiarsuarmi maskinalerisoq
- Umiarsuarmi assistenti

Royal Arctic Linep ilinniakkat assigiingitsut 13-it neqeroo-rutigai. Royal Arctic Linemi sulineq qaffassarsinnaanerumut piukkunnarsarnermut periarfissaassaaq tamatumunngalu ilutigitillugu suliffeqarfinni allani qaffasissumik atorfeqarnis-samut tunngaviliisuussalluni.

Royal Arctic Line pissakitsunik tapersersuisoq

2018-imi juullersog Nuummi Atuarfik Samuel Kleinschmidtmi ulapputtunngua-qarpoq, tassanilu kajumissusimik sulini-utillit juullimut angerlarsimaffeqanngitsu-nik 130-it missaannik amerlassusilinnut nerritsitsinissaminnut poortugarsititsinis-saminnullu ulappuseruttorsimallutik.

Royal Arctic Lineminngaanniillu suliniut aningaasaliiffiqineqarpoq.

”Aaqqissuisut ilanngulluta juulliaqqami 150-iupajaassagunarpugut Royal Arctic Lineminngaanniillu taperneqarnerput qujamasuutigeqaarput”

- Nukåraq Berglund, Inger Berglund Kleist aamma Agnetha M. Petersen, Nuummi angerlarsimaffeqanngitsut juul-lisortinneqarmissaannut aaqqissuussisut

Assigiingisitaarneq

Ingerlatseqatigiiffinni Namminersorlutik Oqartussanit pigineqartuni pitsaasumik aqutsinermut ilutigitillugu Royal Arctic Line assigiingisitaarneq ingerlaavartumik sulissutigaa.

Aqutsisoqatigiit akornanni suaassutsikkut inissisimaneq nunaqavissutullu attuumassuteqarneq uuttortarneqarsimapput. Assigiingisitaarneq qulakkeerniarlugu atorfinitsisarnermi malittarisassat ineriartortinneqarsimapput. Umiarsuaatileqatigiiffiup anguniakkat aalajangersimasut

kisisitalernissaat eqqarsaatigisimavaa, kisiannili taamaaliorsimangilaq, misilittakkat takutimmassuk anguniakkat aalajangersimasut ilaatigut malittarisassat aqputigalugit anguniakkat angujuminaassinnaasarmata. Kiisalu suliffeqarfiup suliniutaa tassaavoq, aqutsisunik atorfinitsisnirmi piginnaasat pingaarnertut isigianiarneqassasut.

Royal Arctic Linemi aqutsisut nikerarnerat ataatsimut isigalugu killilerujussuuvoq, taamaattumillu aamma katitigaanerup allanngortinnissaa piffissaq sivisooq atorlugu pissalluni.



Aqutsisunut aalajangersimasunut tunngatillugu (soorlu umiarsualivinni pisortanut, umiarsuarni naalakkanut, maskii-nalerinermi naalakkanut assigisaanilu) arnat eqqarsaatigalugit suliffeqarfimmi sulisut suaassusaat eqqarsaatigalugu arnat angutillu agguaqatigiissinneranni arnat appasingaatsi-artumi inissisimapput, aqutsisullu taakkua aamma isiginias-sagaanni sulisut taarseramerat appasissorujussuvoq. 2018-imi atorfinitsitsinermi malittarisassat malillugit suliffeqarfiup aqutsisuini qullersami arnamik atorfinitsitsisoqarsimavoq.

Silaannaap pissusaa avatangiisillu

Imaatigut assartuineq tassaavoq aningaasaqarnikkut avatangiisinillu eriaginninnerpaaq qimmuttuitsunut, aqqu-sinikkut imaluunniit timmisartukkut assartukkanut sanilliul-lugu, assartukkallu tonsikkaaraanni ikummatissamik atui-nikinnerpaaq. Taamaattoq Royal Arctic Linep politikkeraa umiarsuit suliffeqarfiullu pinngortitamut avatangiisinik pitsaannngitsumik sunniisarnerisa killilersornissaa.



Imaatigut

2018-imi Royal Arctic Linep umiarsuit nutarterneqarnerannut atatillugu nutaanik sanaartortitassat marluk isumaqatigiissuteqarfigai. Taamaaliortoqarneranilu umiarsuaatileqatigiiffiup umiarsuaataa nutaannginnerpaaq, Johanna Kristina, 1960-ernisaq, ilaata atoqqinneqarnissaa siunertaralugu Jatobimut Frederikshavnimiittumut tunineqarpoq. Ukiuni kingullerni umiarsuit isateriarlugit atoqqinneqartarneri avatangiisinut paaqqutarinninniarnermi atorineqartarpoq. Tamassumalu kingunerisaannik isumaqatigiissut IMO Hong Kong pilersineqarpoq, taassumalu siunertarivaa isumannaatumik umiarsuit isaterneqartarnissaat. Danmarkki isumaqatigiissummut peqataalernikuvoq, sulili nunarsuarmioqatigiit allat peqataalernissaat utaqqimaarneqarpoq, tassami isumaqatigiissut piviusunnugussappat nunat 24-t peqataaleqqaartari-aqarput. EU-p isumaqatigiissutip umiarsuarnut isaterinisamut imarisaata annerpaartaa kiisalu umiarsuarmi uloria-naatilinnik suliarinninnissamut nalunaaruteqartarnissamut attuumassuteqartunut malittarisassaliortitsinikkut atuutsilereepaa. Inatsisit taakkua avatangiisilluni eqqarsaatigalugit Royal Arctic Linep aaliangerpaa Johanna Kristina umiarsuakunik sequtserisartunut Avatangiisinut aqutsisoqarfimminngaanniit akuerisaasimasunut isatigassanngorlugu tunineqassasoq.

Nunami

2013-imi qullersaqarfik Clean Greenland – Green Companiesimut ilannguppoq. Ukiunik pingasunik sivisussusilimmik WWF-ip, CSR Greenlandip suliffeqarfiillu arfinillit Kalaallit Nunaanniittut peqatigiiffigisaat. Suliniutip siunertaraa, allaffiit piffissap ingerlanerani avatangiisinut sunniuteqarnissaasa annikillisarneqarnissaat. Suliniummi maannamuugallartog nerisassat iginneqartarnerisa annikillissinnerat, qaammaq-qutinut kallerup innerata annikinnerusumik atornera kiisalu pappiaqqanik toneriniillu printeriniittunik atuinerup sammenera qitiutinneqarsimapput. Siunissaq isigalugu umiarsuaatileqatigiiffiup avatangiisit pitsaassutsillu sulisunut ulluinnarsiu-taalernissaat nangittumik suliarissavai.

Pilersuisugut suleqatigullu

Royal Arctic Linep pilersuisuni suleqatinilu avatangiisinut, inooqataanermut torersumillu pissuseqarnissamut aaqqiis-suussaasumik ilusilersukkamillu sulinnissaat sunnissallugu kissaatigaa. Taamaattumik attanneqarsinnaassuseq siuarsar-niarlugu pilersuisugut annertuut piumasaqarfialugit oqaloqatigisarpagut, suliffeqarfiutittalu avataaniittut. Siusinnerusukkut pilersuisugut qinnuvisimavagut Naalagaaffiit Peqatigiit meeq-qanik sulisoqarnermut, inuit pinsinnaatitaaffiinut, suliner-mi pinsinnaataaffinnut, peqquserulluni akiliisarnermut aamma attassisinnaanermut avatangiisinillu illersuiner-mi Riomi Isuma-qatigiissutaannut umiarsuaatileqatigiiffiup pinsiniarnermi piuma-saqatai atsiqqullugit. Royal Arctic Linep 2016-imi pilersuisui isornaatillit 134-t kinaassusersivai. 2015-imi pilersuisorisatta 88 %-ii pinsiniarnermi piumasaqaatit atsiorsimassagaat angu-niarneqarsimavoq. Anguniagaq taanna 2016-imi anguneqar-poq. Kalaallit Nunaanni Danmarkimilu pinsiniarnerit tamarnik avatangiisinut, inuuniarnermut ileqqorissaarnermullu tunngas-suteqartut pilersuisunut ataasiakkaanut tunngatillugu 2018-imi uppenarsaateqarnissaq piumasarisimannngilartut.

Ajoraluartumik 2018-imi umiarsuaatileqatigiiffiup pisarisimasaani avatangiisinut sunniutit misissorneqarnissaat aallar-tinngitsoorsimavarput, naak tamanna anguniagaagaluartog ataatsimut naatsorsuutit 2019-imi aamma saqqummiunne-qarsinnaanaviangillat.

Kikkut pilersuisuuppat isornaatillit?

Pilersuisuusut navianaatillit isigineqartarput taakkartorneqartuni ataaseq amerlanerusulluunniit naammassisimappagit:

- Pilersuisuuppat suleqatigisat suliffeqarfiup pingaarutilin-nik pinsinarfigisartagaat arlaatigulluunniit pisariaqartitaat
- Nunani suliffeqarfiniluunniit navianaateqarsinnaasuni sulisut
 - soorlu ikummatissiortuni
- Atortunik avatangiisinut suliner-miluunniit sillimaniar-nermut kaalluaasinnaasunik tunisassiaateqartarput
 - assersuutigalugu bunkerit, palletit, akuutissat sullisilluunniit
- Suliffeqarfiup ilisarnaataannik ilisarnaatitalinnik tuniniaa-sarpoq – assersuutigalugu merchandiset – suliffeqarfi-up isiginiarneqarneranut sunneeqataasinnaasut.

Peqquserlulluni akiliisarnermik akiuiniaaneq

Royal Arctic Linep kissaatigaa nunami namminerminunani tamalaani niuerfinni peqquserlulluni akiliisarnermik atuiffiunngitsuni niuernissani. Taamaattumik umiarsuaatileqatigiiffiup peqquserlulluni akilersinnissaq, oqinaariniarneq imaluunniit allatut torinngitsumik niuernikkut pissuseqarnissaq akuerinngilaa. Naak umiarsuaatileqatigiiffik Kalaallit Nunaanni Danmarkimilu tamakkununga tunngatillugu annertunerusumik ajornartorsiuteqanngikkaluartooq, ineriartortitsinermi pilersaarutip aamma ilagai niuerfiit nutaat suleqatigiillu nutaat, peqquserlulluni akiliisarnermik peqaratarsinnaasut suleqatigilersinnaanissaat. Royal Arctic Linep iluani malittarisassat, nakkutillinerit kukkunersiuinerillu nukittorsarniarlugit peqquserlulluni akiliisarnermut akiuinianermik politikki akuerisimavaa qulakkeerniarlugu suliffeqarfiup suliai tamar-mik pissuserissaarnermik ingerlanneqartut. Sulisut tamar-mik politikki taanna nassaarisinnaavaat, soorluttaaq suliffe-qarfiup intranetiatiqut immersugassat tunisissimatilluni, tunniussisimatillunilu immersugassaq aaneqarsinnaasoq. Politikkip aallaavia tassaavoq atuiner-mut immikkut nalunaa-ruteqartarneq, suliffeqarfimmi sulisut sammisaqartinnerisa kingorna tulluussarneqarsimasooq.

Najukkami innuttaasunik akuliutsitsineq

Royal Arctic Line Nuummiittumik aningaasaliisarnermut ataatsimiittaliaqarpoq tassani qinnuteqaatit qaammammut ataasiarluni suliarineqartarput. Royal Arctic Line najukkani umiarsuaatileqatigiiffiup peqataaffigisaani inuiaqatigiinni pitsaasumik ineriartortitsinermut peqataarusuppoq. Taamaattumik umiarsuaatileqatigiiffiup tunniuttagai, piginnaasai aningaasaliisarnermi iliuutsinut Kalaallit Nunaannut iluaqutaasussanngorlugit atugassiissutigisarpai. Umiarsuaatileqatigiiffiup aningaasaliisarnermut ataatsimiisitaliaa aqputigalugu assigiinngitsunut eqimattanut pingasunut tunisuteqartarput, siulleq meeqqanut inuusuttunullu aappaat kulturimut timer-sornermullu kiisalu inuuniarnikkut inissisimanerluttunut Kalaallit Nunaannilu ilinniarnermut tunngassutillinnut. Royal Arctic Line Kalaallit Nunaannut attuumassuteqartunut sulini-utinut aqqiussuusanulluunniit umiarsuaatileqatigiiffiup inger-laarfigisartagaani assartuiner-mik tapiissuteqartarpoq, Kalaal-lit Nunaannilu suliniutinut aningaasaliisar-luni..

Royal Arctic Linep kalaallit Danmarkimiittut tapersertor-pai

Royal Arctic Line FC Polarimut unammissutinik tapiissuteqarsimavoq. Klubbi Esbjergip nalaaniippoq kalaallilu angutit utoqqasaat taakkunani unammisartuulutik. Klubbimi siulittaasup Anthon Nielsenip tulluusimaarutigisurujussuuaa 4-mandsimi ajugaasimanertik, naak iluamik sungiusarfissaqanngikkaluarlutik.

Anthonip oqaatigaa unammisaat nammineerlutik sungiusarfeqartut, namminnerlu aamma sungiusartarfeqaraluarunik pikkorinnerusinnaagaluarlutik. Tapiiffigineqarneq ajoraluarlutik imminnullu najugaat ungasikkaluarlutik ikioqatigiinnermikkut namminneerlutik unammiartarsimapput.

"Uagut Esbjergip eqqaani najugallit arsar-tartoqatigiit pilersippagut, siunertarisi-mavarpullu Danmarkimi kalaallit ataqatigiinnerulernissaat, klubbitullu ataqatigiinnerput pitsaanerulerujussuarpoq Royal Arctic Lineminngaanniit unammissutissanik tapiissuteqarfigineqarnikkut, tamanalu assut qujamasuutigeqarput"

- Anthon Nielsen, FC Polarimi siulittaasooq

Siunissami CSR-imik suliaqarnissarput

Kalaallit Nunaata ajornannginnerusumik niueqatigineqarsinnaanerani siunertaqarneq piviusuovoq isumatusaarnullunilu, taannalu angallassinerup iluani CSR-itut aamma taaneqarsinnaalluni.

Soorunami aamma nalinginnaasumik CSR-imik ingerlatsisarneput ingerlateqqissavarput. Piujuuaannartitsinissamullu anguniagassani 17-iusuni inuiaqatigiinni ineriartortitsinissamut tunngasut, peqqissutsinut tunngasut ilanngullugit (nr. 3), ilinniarnermut tunngasut (nr. 4) assigiinngisitaarnermut (nr. 5 aamma 10) avatangiisinut tunngasut (nr. 11, 12 14-ilu) kiisalu silaannaap pissusaanut tunngasut (nr. 13) ukkatariniarpagut.

Royal Arctic Linemi immikkut ukkatarineqartussat tassaassapput inuiaqatigiinni ilaqutariittut attuumas-

suteqartumi peqqinnartumik, ineriartornartumik peqataatitsinermillu atorfeqartitsinissaq. Inuiaqatigiinni patajaasutsimik tuniseqataaikkut meeqqat peroriartornerat pitsaasumik sunniuteqataaaffigissavarput tamannalu Kalaallit Nunaata ineriartornissaanut aamma tunngavileeqataassaaq.

Taakkua saniatigut siunissami CSR-imik suliaqarnitsinni suli pingaartuusoraarput silaannaap pissusaanut avatangiisinullu sunniutinut ukkataqarnissaq.

Royal Arctic Linep suliai 2019-imilu suli ingerlatassai, soorlu ilaqutariinnut ikiuinnermut sammisassaqaartitsinermullu tunngasut, issittumilu mianernartumi sulinita sammineqarnissaat, tamakkununga ersiutaapput.

